

---

## МАРФИЛОН ШАҲРИДАГИ ИЖОДКОРЛАР БОҒИНИНГ АМФИТЕАТРИДА “АТЛАС БАЙРАМИ” ОЛТИНЧИ ХАЛҚАРО АНЪАНАВИЙ ТҮҚИМАЧИЛИК ФЕСТИВАЛИНИНГ ЁПИЛИШ МАРОСИМИ БЎЛИБ ЎТДИ

Тадбирда вилоят ҳокими Хайрулло Бозоров, ЮНЕСКОнинг Ўзбекистондаги ваколатхонаси раҳбари Сара Ношади сўз олиб, “Атлас байрами” фестивалиниң аҳамияти ҳақида тўхтадилар, фестивални кўтаринкилик билан ўтказишида ўз ҳиссаларини қўшган ташкилотчиларга миннатдорчилик билдирилди.

“Атлас байрами” фестивали миллий ҳунармандчилик ва туризмни янада ривожлантириш ва оммалаштиришга, давлатларо муносабатларни мустаҳкамлашга, ҳунармандлар ўртасидаги ҳамкорликни кенгайтиришга хизмат қилгани ва бу саъи-ҳаракатлар давом этаётганлиги таъкидланди.

Фестивалда дунёning 30 та давлатидан келган анъанавий тўқимачилик ва дизайн соҳасининг етакчилари, ҳунармандлар, санъатшунослар, арт-менежерлар, анъанавий ҳунармандчиликни бошқариш соҳаси мутахассислари иштирок этганига эътибор қаратилди.

Тадбир давомида халқаро ҳакамлар ҳайъати аъзолари томонидан фестиваль доирасида турли номинациялар бўйича ғолиблар қаторидан ўрин олган маҳаллий ва хорижлик иштирокчилар эълон қилинди, уларга диплом, махсус статуэтка ва эсадалик совғалари вилоят ҳокими Хайрулло Бозоров, ЮНЕСКО нинг Ўзбекистондаги ваколатхонаси раҳбари Сара Ношади ҳамда Маданият вазири Озодбек Назарбеков томонидан тантанали равишда топширилди.

Байрам кечасида Озодбек Назарбеков, Шохруҳхон, Бунёдбек Сайдов, Озода Нурсаидова, Илҳом Иброҳимов ва бошқа таниқли санъаткорлар, фолъклор жамоалари иштироқидаги концерт дастури ийғилганларга янада кўтаринкилик, хуш кайфият улашди.

Марғилон шаҳрида ўтказилган “Атлас байрами” олтинчи анъанавий халқаро тўқимачилик фестивали ёрқин мушакбозлик билан якунланди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2024-09-21 23:28:16